


TNC 3255/4244.7


TNC 3271/8202.74(1)


38913



靜







朔方志序

朔方志止疏其方事耳脫猶有遺
奚取志故志貴悉然上下千餘年
間其事大積易繁且俚約之而蘄
於文斯幾矣悉其事而約以文惟
大雅寔能茲志始自

慶靖王昭躋完戒其事洵核後凡三



脩竟流而為簿書觀者疵焉夫圖
志

國之誕章矧朔方為雍要塞經畧防
禦審畫攸關籌邊者將按圖而運
之簿書其志可乎余承乏是方凡
六稔方事畧曉崇戊寅冬餘乃按
舊志整齊其故實拾遺約繁矯俚

為文作志十篇曰志地志邊志治
志祀志賦志兵志宦志人志舉志
雜析為四卷經畫發微著言以斷
中寓諷褒放悲遷固論贊非敢附
於大雅庶幾述往事貽來者可考
鏡於一方耳顧邊務倥偬載籍不
博愧無以成一家言冀有洽聞者

訂正之云

萬曆己卯二月初吉奉

勅巡撫寧夏等處地方贊理軍務都
察院右副都御史前巡按直隸山
東大理寺左少卿蒲坂念山羅鳳
翽撰書

朔方新志序

寧夏古朔方地故其志以朔方名
志凡四修矣新之者何粵稽

國之開鎮建節列障張官文物典章
燦然往牒迨罹壬辰兵燹遂舉之
百餘年之所經理者蕩然有同草

昧迄茲再紀而

藩統官寺之增損輿地營砦之廢
興甲兵錢穀之盈胸習俗民隱之
變遷考往按今豈其時異勢殊然
與前撫

振峯崔公安攘之暇有慨乎中念

舊章不可以遂湮近事不可以缺
載會癸丑楊君假歸檄道禮延主
筆臬一二逢掖開局纂修甫就而
公奉

簡命入貳樞筦楊君亦以謁選行適
余來代訪舊問遺乃獲君藁于儒

官黃機機固佐君共襄考訂者也
方下所司督鋟諸梓而君復以司
農使事過里門又間加叅續請余
言弁諸簡端余惟古者國必有史
志者史之徵也今天下一郡一邑
莫不有志矧茲有夏肇於城朔柅

旅懸而控區脫實全秦之北門

高皇帝不難分王所親愛若此其重
也然而風氣之亭毒教化之漸陶
從來文獻他鎮不敢望焉君更以
鴻裁卓識構所覩聞故其上下古
今煥乎鱗次分網衍目為帙有五

于天慙兵食風俗理亂著有徵勅
之詞思深哉足以昭炯鑑而垂典
則矣雖然斯志也感壬辰而修也
以彼其時誰實稔釁而鼓凶誰實
沉幾而定亂以此思罪罪可知以
此思功功可紀若夫揭赤心以拒

逆蹈白刃以留芳凜凜誓不共生
烈烈殉以一死光爭日月氣壯山
河豈非

皇靈所由以揚休

天道所由以祚順群策群力所由以
宣營者耶覽斯志也臣可勸於忠

子可勸於孝士可勸於義婦可勸
於貞斯固崔公檄修之意而楊君
文字足以發之苟有采風以備博
史則斯志為之徵矣儻云武毅示
威儲峙示豫險塹用復廢弛用張
此制治保邦之令圖亦唯填撫茲

土之責余竊志焉而才弗逮安敢
以時誣為之辭因感斯志而樂觀
其成也援筆為序敬告來斯

萬曆丁巳春王正月既望吉

賜進士出身通議大夫奉

勅巡撫寧夏等處地方贊理軍務都

察院右副都御史前太僕光祿少
卿兵部職方司郎中懷遠楚璞揚
應聘撰



重脩寧夏志序

今僻郡下邑率多有志以紀其事
而邊郵則尤不可缺焉蓋邊郵之
務重在經畧先自治之道慎未然
之防則戎狄雖強莫能為我患我
得而鞭撻之矣酌古以揆今溯往
以矩來該人之情而極事之變經

畧者之所用心也舍志則奚適矣
我

皇明御宇隆治列鎮以控制夷虜在
陝者有四而寧夏居其一焉屹然
為西北重地舊有志弘治辛酉中
丞王公珣延胡公汝礪纂脩者嘉
靖庚子中丞楊公守禮又延管君

律重脩之今幾四十年矣因革廢
置大異焉余懼將來之無所考也
因檄兵糧道僉憲解君學禮重脩
之解君則禮延長史孫汝匯相與
考索訂正逾年告成舊志可因者
因之未備者增之繁蕪者則芟刈
之為卷者四為目者四十有二大

都以有關於政體邊事為準外此
弗錄也華而不浮質而不俚疆域
故實及昔賢經畧之跡犁然在目
嗚呼核且備矣稽徃範來是不可
以傳乎蓋常論之寧夏為地賀蘭
峙其西崧律盤亘黃河在其東洪
流環帶而漢唐諸渠舉鋪為雲決
渠為雨有灌浸之利以育五穀以
故視諸邊鎮稱善地焉秦以前無
論已自漢武置朔方郡嗣後赫連
拓跋氏據之雄視一方而拓跋之
後綿延數世元昊勒兵侵軼中原
震撼雖以韓范諸賢極經畧制圖
之力迄不能有以靖之說者謂其

地四塞險固藉山河之助居多是則其大勢然耳北虜自竊據河套以來種類蔓滋蓋以所抄掠之衆充其中每鼓流浮河西渡莫之能遮而冬寒冰合坦若通衢冰墻不足以及遏之黃河之險我且與彼共矣賀蘭山多谿徑十掬之吏少不

戒狄即生心花馬池東西地勢漫衍平曠虜每大舉必由此深入則原州朝那環慶諸處受其荼毒西之中衛廣武山後之虜亦時時南下蹂躪內地往歲之事可鑑也則所謂山河之助者直得其一二焉耳蓋亦重在自治也耶夫固其城

池險其走集謹其烽燧簡材官練
軍馬製噐械備糧儲自治之經也

今

聖天子德威洪敷北虜俛首納款然
猶加意邊郵屢飭邊臣以脩實政
蓋以豺狼之性不常馴也前後有
疆場之任者恪慎厥事朝夕不遑

諸所經畧既悉既詳矣然邊政無
時可忽而舊跡久則易湮時加綢
繆不廢已成之務廣集衆思益增
未備之圖非所當深念者乎且夷
狄之強弱異時事機之利害異情
措置之緩急異便無必定之規也
因已然之籌以善其謀度之於時

以通其變矢之以忠勤以弘其功
則經畧之事盡之矣志之所載咸
足取鏡焉後之有考於斯者循名
責實可免無徵之嘆是作志者意
也或曰河套土肥饒可耕舊我地
也今為胡虜豳果穴與我比隣矣不
驅之於河外百反人未得安枕而鎮
遠關黑山營亟宜復之以為平虜
藩籬嗚呼是矣然未易言焉以俟
後之君子

萬曆五年仲冬之望

賜進士第資政大夫奉

勅總督陝西三邊軍務兵部尚書兼
都察院右副都御史北海石茂華

撰

重脩寧夏新誌序

寧夏鎮誌成於弘治辛酉歲作之者郡人郎中胡公汝礪寔大中丞曹南王公珣之意也嘉靖己亥歲守禮叨撫其地暇日披圖閱誌因革損益殆相矛盾遂作而嘆曰誌成不四十年更易如是久而人亡

事訛何以考証命督糧僉事孟公
霖禮請刑科給事中致仕郡人管
公律重編不三月而成因舊而新
隨事而正政有關於大體者不厭
其煩事有益於軍民者備記其實
凡百家衆技之流舊制新設之顛
末綱分目悉且隨類附以不盡之

意該博之學經濟之才可以見矣
南澗子復作而嘆曰司馬遷以無
罪廢而學發於史子美不見用於
時而學發於詩古今文人之厄也
管子其安命矣夫特命刊木以傳
嗚呼我

明億萬年無疆之休家有譜郡有志

國有史人文兼備法制森然胡元
不足言矣漢唐宋一統之盛無如
今日繼是而往作之者非一人成
之者非一手先後同心共成良誌
以備國史顧不美歟謹稽首頓首
以贊於簡端云嘉靖庚子歲秋八
月吉旦

欽差巡撫寧夏地方都察院右副都
御史晉蒲南澗子楊守禮識

朔方新志目錄

卷一

圖考

總鎮圖

鎮城圖

河西總圖

河東總圖

東路圖

中路圖

南路圖

西路圖

北路圖

建置沿革

天文

星野

地理

疆域

城池

衛砦

坊市

風俗

山川形勝附

食貨

戶口

屯田

賦役

水利

鹽法

物產

土貢

稅課

卷二

內治

帝幸

藩封

官制

官蹟

兵馬

錢穀

公署

學校

倉庫

驛遞

外威

邊防

關隘

烽燧

俘捷

款貢

卷三

文學

科貢

鄉獻

流寓

武階武科附

忠孝節義

竊據叛亂

壇祠

寺觀仙釋附陵墓

古蹟

祥異 方技

卷四

詞翰

總鎮圖說

常 寧夏古雍州域亦朔方地也春秋而下沿革靡

國朝置寧夏府東南連延慶西南接固蘭賀蘭右

屏黃河左帶而山河之表腋背皆為虜巢所屬

有五路內設寧左右前中外列後中共七衛暨

靈州興武平虜三所隸陝西都司

慶王藩封在馬盖屹然西北一重鎮也開鎮備

邊以武臣鎮守正統間設巡撫都御史贊理軍

務 歷朝憲臬郡丞副叅遊守始備東路之沙湃中路


之鹵溝紅山暗洞南路之井溝諸隘口悉極衝

要害之地北路平虜乃全鎮咽喉其孤懸一隅


勢亦孔棘而西路中衛更甚弘正以前地方殷

富倉廩充盈額設營兵數敷戰守即有虜警尚

不覺有捉襟露肘之虞降萬以來邊事如操漏
 舟如室潰堤矣何也勢以武節不競備以款貢
 乃弛延及壬辰降胡煽亂疆土殘破民社丘墟
 千里之間皆為虜塵馬灶頃更內苦歎歲外患
 剥膚原額旗軍已耗大半額有錢穀每歲告艱
 且昔之險為我憑今之險為虜據夏事殆難收
 拾矣幸
 督撫憲臣烈振城方修增險隘謀先兵食請益
 運銀凡內治外威如營始造之家而幹既裕之
 蠱矣第既脫之亂形已兆而肘腋之隱憂尚存
 矧法格於奸蠱人狃於嬉愒徹桑未雨何可一
 日弛備哉計者謂勿弱處堂之小康與貽綏疆
 之遠畧要在紀律訓齊俾士卒可戰經制積蓄
 務本折有餘復賀蘭嚴夷夏之巨防慎市賞折
 犬羊之驕氣斯可易危為安轉弱為強矣



麗景園




北



東



南

金波湖





西





河西總圖




北

河東總圖





山後虜地




東路圖

北




北

中路圖






東

南




西






西


北路圖



東



九



脩志姓氏

提調

陝西按察司僉事前廣西道監察御史龔文選

進士四川長壽縣人

陝西布政司右布政使兼按察司僉事兼攝學校趙可教

進士四川溫江縣人

陝西按察司按察使張崇禮

進士山西代州人

纂脩

戶部山西清吏司主事楊壽

進士鎮人

校閱

慶陽府管理寧夏理刑同知張謙

選貢湖廣石首縣人

修志姓氏

慶陽府管理寧夏理刑同知胡悅安舉人直隸南和縣人

慶陽府管理寧夏監收同知王廷極舉人直隸上元縣人

慶陽府管理寧夏中路鹽捕通判署理刑事閻柳選貢山西徐溝縣人

編輯

遙授 儒 官黃機鎮人

儒 學 廩 膳 生 員明時儒鎮人

監刻

寧 夏 衛 經 歷 司 經 歷 汪子善吏員直隸婺源縣人

寧 夏 衛 經 歷 司 經 歷 楊 臻吏員吳縣籍雲南人

纂脩朔方新志檄文

欽差督理寧夏河西兵糧道陝西按察司僉事龔 為

纂脩鎮志以昭文獻事奉

欽差巡撫寧夏等處地方贊理軍務都察院右副都御

史崔 憲牌照得前事不忘後人每因為法鑒無徵

不信舊章何自而率由欲眎將來宜存故實况朔方

為三秦重鎮而志書關百代明徵若不考訂孰為信

史本鎮舊志自萬曆七年重脩以來時經三紀事歷

百端官蹟迭興法度紀綱有因革損益之異風俗遞

轉人情物力有淳漓盈詘之殊垣臺廢興兵儲多寡
與夫屯田水利之成虧可無紀載之簡武備強弱人
文盛衰與夫夷情戰款之更易宜有稽考之資使非
圖籍之具陳必有舞文之奸吏至於壬辰之變更多
戡定之勲整旅集糈拮据之功難泯驅胡剽叛蕩平
之烈不磨忠孝節義之倫芳名宜著逆惡詭隨之輩
穢蹟宜彰雖或有得失之分皆可備勸懲之助為此
仰本道會同河東道轉行兩河文武各官照依單開
款條兼查舊志凡例遍行詢訪加意蒐羅或稽之案

牘之文事必直窮其源委或採之耆儒之口言亦勿
棄夫芻蕘凡有關於政事人心不必拘於顯幽巨細
惟求詳盡勿厭繁多徑送聘請

鄉官進士楊

刪繁就簡錄實黜訛門類體裁惟當

仍乎舊貫筆削褒貶專有待於新編該道再加折衷
務期精核各殫三長之技共成一家之言庶典章大
備於今茲而耳目不淆於來世矣所需物料供給查
明陸續呈詳

修志凡例

一 邊鎮肇基繇來邈已建置沿革世變靡常迺明部區稽其興廢用著之表以便覽觀

一 氣候不齊山河兩界城路堡砦丁傭地利皆其所先壬辰兵燹之餘盛衰富耗頓異其所賴以綜理生養者既忘且周故首及之以觀其政

一 外衛所路舊各為志今類附於鎮如通志云

一 軍國宏綱無踰安攘必內順治而後外威嚴故自封統官寺之崇庫甲兵錢穀之盈縮天塹堠燧功

捷款封次第書之然於額運停止請復之疏書之
綦詳蓋夏之軍興猶自治之要也

一封建前志或著或畧洪惟

高皇帝驅逐胡元大啓宗封錯列萬國

慶靖王歷帝靈倚賀蘭維城異延千葉宗盟磐石代
有明德故復詳其世系云

一宦蹟盛德至善保定功崇故按志續書以志夏人
不洩於思之義

一夏文學武階乃國家啓運弘化之資在上者培養

率作故後先淬勵以期效用明時職列固殊表見
則一邇奉

制勅夏臬兼秉文衡文教聿興寔為殊遇所謂盛衰關
於氣運無容以自諉焉

一各坊所以表識署里夏自開鎮官府建置仕進登
庸及

慶藩後先卓有賢節棹楔之立爰奉

綸音迨至壬辰盡為逆燬存者一二壬辰後有新創者
備叙於志以見夏鎮坊表之盛云

一忠孝節義述之舊乘兵變死事人臣與夫列女悉照臺檄有章疏案牘者書之

一畔亂自壬午距壬辰故特著之以彰天討

一祠廟載祀典寺觀載定額者書之壬辰後如增立岳武穆祠並額有者廢而載建皆備入於志其它祠宇創置泛而不經雖金碧輝煌亦不槩入

一詞翰詩賦記序名雋所題詠碑刻所記載凡有關於文獻者隨事先註後總萃為二帙各大書姓氏庶覽者可考而知焉

朔方新志卷一

建置沿革

寧夏春秋時羗戎所居秦為上郡地漢置朔方郡晉亂赫連氏僭都于此後魏始置夏州西魏置弘化郡後周改懷遠郡隋為朔方郡唐置夏州或為朔方郡唐末拓跋思恭鎮夏州遂世有其地宋景德間其孫德明城懷遠鎮為興州以居元昊陞興慶府又改中興府元置寧夏路

皇明初改寧夏府後廢洪武九年改置寧夏衛後增寧



夏左右前中屯凡五衛

寧夏衛沿革表

唐虞三代	雍	總部	郡 <small>直隸州附</small>	州縣
春秋	羗戎			
秦		上郡		
漢	涼州刺史	朔方郡		三封朔方修都臨河 呼道靈軍渠搜沃野 廣牧鹽

東漢	并州刺史	朔方郡	鹽池三封朔方沃野 廣牧大城
晉	涼州刺史	北地郡	靈州
南北朝	夏州	化政郡	華融 巖祿
後魏		闡熙郡	山鹿 新因
		金明郡	永豐 啓寧 廣洛
		代名郡	呼道 渠搜

朔方新志卷一

西魏

後周

隋

唐

靈州

弘化郡

懷遠郡

普樂郡

朔方郡

靈武郡

夏州朔方郡

靈州

應理州

鳴沙州

靈州

迴樂 弘靜 懷遠

靈武 鳴沙 豐安

朔方 靜德 寧朔

迴樂 靈武 懷遠 保靜

興州

懷遠鎮
興慶府
中興府

寧夏路

應理州

鳴沙州

靈州

初寧夏府
寧夏衛
寧夏左衛

靈州所

皇明

陝西都司

元

宋

夏

寧夏右衛

寧夏前衛

寧夏中衛

寧夏後衛

寧夏中衛

寧夏後衛

漢 為朔方郡河南地

皇明

正統九年置花馬營弘治十五年置守禦千戶所正德元年改置寧夏後衛

寧夏中衛

秦漢 北地郡

唐 靈武郡地

元 置應理州屬寧夏路

皇明 洪武初州廢三十二年置寧夏中衛

靈州守禦千戶所

秦 為北地郡

漢 惠帝四年置靈州縣屬北地郡

南北朝 後魏置靈州後周置普樂州

隋 州郡廢大業初置靈武郡

唐 為靈州或為靈武郡大都督府屬關內道

宋 咸平時李繼遷叛陷靈州改為朔慶軍

元 屬寧夏總管府

皇明 州廢置守禦千戶所屬寧夏衛

興武營守禦千戶所

漢 朔方郡河南地

皇明 正統九年置興武營正德元年改設守禦千戶所屬寧夏衛


平虜守禦千戶所

皇明 永樂初置平虜城嘉靖三十年改設平虜守禦千戶所屬寧夏衛


天文

分野星宿圖


井宿




鬼宿



尾宿



柳宿



寧夏屬雍州天文井鬼分野以其地偏西兼得尾柳
斗樞其宿之度數古法已踈今按大統曆測定者載
之

井八度三十四分九十四秒入鵠首之次辰在未

赤道井三十三度三十分鬼二度二十分尾十九度一

十分柳十三度三十分

黃道井三十一度一分鬼二度十一分尾十七度九十

五分柳十三度

地里

疆域

寧夏衛袤四百八十里廣倍之東至省嵬墩外境二百
里西至賀蘭山外境一百里南至慶陽府界三百六
十里北至西瓜山外境二百九十里東南至延綏界
三百五十里西南至固原界四百里至北京三千六
百四十里至南京三千八百四十里

靈州廣一百三十里袤二百九十里東至後衛界二百
二十里南至慶陽府甜水堡界二百九十里西濱黃

河北至長城七十里至寧夏九十里

後衛廣二百一十里袤一百九十里東南至榆林定邊

界三十里南至環慶界二百八十里西至興武界一

百二十里北至沙漠西北至寧夏三百五十里

興武營東南至後衛界一百三十里西南至靈州界一

百六十里西至清水營界七十里北至沙漠西北至

寧夏二百里

中衛廣四百里袤二百一十里東南至靈州半箇城二

百六十里西南至蘆溝靖虜界三百一十里西至邊

一十五里東北至寧夏三百六十里

廣武營東踰黃河靈州界五里南至鳴沙州界三十里

西至中衛張義堡界九十里西北至賀蘭山三十里

北至大壩堡界二十里至寧夏一百六十里

玉泉營東至黃河三十里南至廣武營分水嶺界六十

里西至賀蘭山三十里北至鎮北堡界九十里至寧

夏九十里

平虜城廣百里袤一百三十里東至黃河一十五里西

至賀蘭山六十里北至鎮遠關九十里南至洪廣堡

六十里至寧夏一百二十里

洪廣堡東至李綱堡界二十里西至賀蘭山四十里北至平虜界六十里南至平羗堡六十里至寧夏六十里

城池

寧夏鎮城漢朔方地宋景德間趙德明內附假以本道節制始遷改興州今城寔其故址園一十八里東西袤於南北相傳以為人形元末寇亂難守棄其西半正統間以生齒繁庶復築其所棄即今之新城統甃

甃石四角皆剝削以示不滿之意歲久失其制止闕其艮方環城引水為池城高三丈六尺基濶二丈池深二丈濶十丈門六東曰清和南曰南薰南薰之西曰光化西曰鎮遠北曰德勝德勝之西曰振武重門各三內城大樓六角樓四壯麗雄偉上可容千人懸樓八十有五舖樓七十外建月城城咸有樓南北有關以至砲銃具列閘板飛懸火器神臂之屬制備極其工巧萬曆三年巡撫羅鳳翔僉事解學禮增繕鑿舊易新環甃堅固關樓南曰昭陽太平北曰平虜

慶府長史孫汝滙記萬曆二十年兵變灌城間有浸
圯德勝昭陽剡車諸樓皆燬逾年巡撫周光鎬副使
尹應元再一修之題北樓曰命我關樓曰朝陽嗣是
巡撫楊時寧黃嘉善崔景榮相繼修建城樓漸復舊
制仍為巨鎮偉觀云

靈州城并南關週迴共七里八分高三丈池深一丈濶
五丈洪武十七年城湮於河移築於城北七里宣德
三年又為河崩再城於東北隅五里景泰三年展築
之萬曆五年巡撫羅鳳翔僉事周有光甃以甃石門

有四東曰澄清南曰弘化西曰臨河北曰定朔上各
有樓

後衛城週迴七里二分高三丈池深一丈五尺濶二丈
舊城築於正統八年在塞外花馬鹽池北天順間改
築今城門有二東曰永寧北曰威勝萬曆三年開南
門曰廣惠萬曆八年巡撫蕭大亨題允甃包

興武城週迴三里八分高二丈五尺池深一丈三尺濶
二丈正統間巡撫金濂奏築萬曆十二年巡撫晉應
槐甃以甃石東門一南門一

中衛城週迴四里三分正統初指揮仇廉奏益五里八分天順間叅將朱榮奏益七里三分高三丈五尺池深一丈濶七丈八尺門二東曰威振西曰鎮遠嘉靖初開南門一萬曆初年巡撫羅鳳翔加東關圍二百四十八丈十一年巡撫張九一題准甄包

廣武城週迴二里高三丈二尺池深一丈五尺濶四丈正統間巡撫金濂奏築歷弘治間巡撫王珣拓為四里南門一上有樓

王泉營城週迴三里萬曆十五年創築列唐來渠西

平虜城週迴四里五分高三丈五尺池深一丈濶倍之永樂初築萬曆三年巡撫羅鳳翔以甄石叅將祁棟董其成也門有二南北皆曰平虜

洪廣營城週迴二里一百六步萬曆三十三年巡撫黃嘉善拓其東北共一百六十四丈池深一丈濶倍之

衛砦

寧夏衛自漢迄元為鎮為府為州為路靡一國朝初改寧夏府洪武九年府廢徙其民於長安改置寧夏衛遷五方之人實之降寧夏衛指揮使司之印起脚

力符驗一道隸陝西都司屬屯堡十有一 潘昶

金貴置操守 李祥 河西寨有遞運所 楊和 王泰 王鉉

任春 葉昇 漢壩 河中

左屯衛洪武初設為左護衛尋改為左屯衛分中屯衛

軍之半實之降寧夏左屯衛指揮使司之印隸陝西

都司屬屯堡十有四內廢者一 蔣昂 陳俊 瞿靖 林

臯 邵綱 李俊 王銓 林武馬站 劉亮今廢魏

信 張政 唐鐸 許旺 王澄

右屯衛洪武初設為右護衛尋改為右屯衛分中屯衛

軍之半實之降寧夏右屯衛指揮使司之印隸陝西

都司屬屯堡十有八內廢者二 大壩設守備 靖夷 楊顯

靖虜 威遠今改為豐樂 平湖改為豐樂今廢 雷福今改為豐登 桂文

常信 洪廣先設把總擊守今改遊擊 高榮 姚福 周澄

鎮朔置操守 楊信 鎮北置操守 平羗置操守 新興廢

前衛洪武中設降寧夏前衛指揮使司之印隸陝西都

司內後所分撥平虜城千百戶皆隨之屬屯堡八

謝保 張亮 李綱置操守 丁義 平虜城置將 宋澄

威鎮置操守 黃沙馬寨

中屯衛洪武初置中護衛扈從 慶王正統九年增置

廣武營巡撫金濂奏請旗軍五百名往守正德五年

安化王寘鐸作變詔責慶王革中護衛為中屯衛降

寧夏中屯衛指揮使司之印隸陝西都司屬屯堡五

虞祥 漢伯渠 金積 中營 鎮河 每冬黃河冰結套虜

乘夜長驅直抵城下俟侵晨人畜出潛掠而還以致農廢力田恒業雖分兵搜伏高臺寺虜終不為忌迄

嘉靖十五年有晏海湖之失十七年巡撫吳鎧檄都指揮呂仲良城之人以為便

靈州守禦千戶所屬屯堡十有三者 內廢棗園 吳忠

惠安 巡撫黃嘉善甃以磚石巡撫崔漢伯渠 金積

中營 秦壩關 半箇城 胡家 新接 夏

家 廢河東關 廢紅崖站 廢屬城十有三 大沙井 城

廻三百步門 石溝 舊城週廻一百步弘治間巡撫王

一有驛遞 舊城週廻一里弘治間巡撫王珣拓為二里正

鹽池 舊城週廻一里弘治間巡撫王珣拓為二里正

遮南十里許平地產鹽慶平臨鞏四 隰寧 成化間巡

郡轉輸絡繹不絕其課俾益邊儲 隰寧 成化間巡

築僅一里弘治間巡撫王珣拓為二里 隰寧 成化間巡

寨 城週廻二百一十丈門一產燧炭其土可陶築堡

者咸買 清水營 城週廻一里弘治間巡撫王珣拓為二里

易焉 清水營 城週廻一里弘治間巡撫王珣拓為二里

城週廻一里正德間總制楊一清築置操守備 紅山城

繼設守備二十七年巡撫楊時寧甃以磚石 紅山城

迴一里正德間總守紅寺城週迴一里正德間總守常州

制秦紘築置操守紅寺城週迴一里正德間總守常州

群牧所漢屬北地郡唐屬靈武郡宋趙元昊為常州

名據張舜民詩青銅峽裏常州路故相傳以為常州

洪武間慶靖王獵於此見蠡山秀麗遂宮室居之凡

九年移寧夏以其宜於畜牧故設群牧所歷世藩王

陵寢在蠡山之隈詩見詞翰弘治間巡撫王珣奏築

東關門二

後衛領屯堡四者一安定城週二里柳楊今隔於溝壘

之外遂為廢城虜每潛伏於此鐵柱泉弘治間總制

反滋其患實花馬池之一累也秦紘嘗城其

地但非形勢所宜故不終其事嘉靖十五年總制劉

天和躬自相度踰月而就遂成巨防兵農商旅咸稱

其便有碑記頌見詞翰萬曆三年野狐井萬曆四十

卜五年巡撫黃嘉善斃以磚石

善巡撫崔景榮題築

興武營守禦千戶所領堡一毛卜刺城週一里七

中衛領屯堡十有二柔遠鎮靖永康宣和

舊寧安威武石空寺常樂鎮虜置操控

夷新寧安嘉靖九年巡撫崔景榮因曠遠

衝邊題築屬城一鳴沙州隸靈州縣鳴沙鎮地舊

設守備屬城一鳴沙州隸靈州縣鳴沙鎮地舊

聲故曰鳴沙後周移置會州於此尋廢隋置鳴沙縣

屬環州大業初州廢唐貞觀初以縣再屬靈州神龍

初為黑啜據咸亨中收復安置安樂州處土谷渾部後

調寧夏中屯衛官軍守之其東南據沙山西北阻大河城週三里七分高二丈二尺南北二門上皆有樓塹深一丈濶二丈置操守

廣武營屬堡四

張恩

張義

置把

棗園

初隸中衛廣武草灘在其

地棗園人恣取致廣武軍困于陪補嘉靖十八年割地屬廣武軍困始舒置操守

渠口墩

萬曆

四十年巡撫崔景榮築設把總

坊市

忠敬孝友捐貲助邊賢德著聞曰恩隆三錫曰賢冠宗

藩

玉音為慶惠王立於櫺星門南

曰養賢曰育材

廟學左右

曰安攘攸

司曰文武惟憲曰建旄開府曰仗鉞籌邊

俱都察院前

詰戎督餉曰肅紀振綱

俱憲司前

曰遺愛

為中丞念

曰司

馬為徐琦

曰尚書

為胡汝礪

曰都憲二

一為楚書一為馬昊

曰文宗柱

史為黃

曰黃門清要

為潘九齡

曰青瑣

為管律

曰天官大夫

為劉思唐

曰進士五

一為劉慶一為張嘉謨一為劉思唐

楚書一為黃綬一為劉思唐

曰群英

繩武

為歷科鄉舉

曰五桂聯芳

為王師古楚書汪文淵梁仁劉伸

曰父子

登科

為梅信梅羨

曰兄弟魁名

為夏景華

曰經元

坊九為程景元

李暹濮順駱用卿呂渭吳冕揚經秦聘呂用賓

曰麟經魁選

為山岳

曰文魁

漢曰三桂坊

為王元賈萬鎰杜文錦

曰黃甲蜚英

為王元

曰黃堂

司牧為李微

曰蘭山三鳳

為王繼祖李廷彥丁文亨

曰一鳳鳴陽

大曰鵬搏萬里為吳曰奎壁聯輝風雲際會奎文書院東西

曰武帥一為史鏞曰大都督曰三膺樞府俱為趙應曰兩

鎮元戎為呂曰三鎮元戎為吳曰兩京都督為郭曰

忠烈一為楊忠曰六世同居為安曰一門雙節為曹

曰清和曰南薰曰光化曰鎮遠曰振武曰德勝俱六

曰熙春曰泰和曰咸寧曰里仁曰平善胡麻糟糠曰

感應布帛曰清寧果品顏料紙筆曰毓秀坊抵新

積善曰眾安曰寧朔曰永康曰崇義曰鎮安曰慕義

曰效忠曰遵化曰肅清曰鎮靜曰凝和諸坊隨在市

菜曰永春曰迎薰曰挹蘭曰靖虜皆市馬牛曰西北

鉅鎮南郭曰迎恩永通橋南自養賢而下九十三坊俱

國初以來建立毀於萬曆壬辰兵變坊廢名存市集仍

舊

曰宗烈奉曰宗義奉曰萬世

師表曰萬里雲衢俱文曰騰蛟曰起鳳廟學曰神武

垂憲武廟曰都御史臺曰表率文武曰真戢華夷俱

察院曰功德為中丞鑑川曰十年遺愛為中丞梓山

新署

黃公嘉善

曰激濁揚清曰振綱肅紀閩邊柱史曰憲臺曰振揚

風紀曰整飭邊防河西憲司曰斗樞上將曰箕翼雄師總兵

府曰賢帥遺思為總鎮馥亭曰威震華夷關王廟南曰氣

壯山河岳王廟南曰護國安民城隍廟南曰馬神廟馬神廟南曰三

軍司命旗纛廟南曰大雄古刹承天寺前曰振揚神武曰保護

朔方清寧觀左右曰天朝耳目曰京鄉俱為穆來輔曰進士為李

廷彥曰彤廷弼直為侯廷珮曰天綸重賁為侯廷珮曰奕世承恩

為蒯宗烈而下舊樹者七新建者二十有七

靈州坊曰攀龍曰附鳳廟學左右曰宣憲河東憲司曰都諫為俞鸞

曰秦淮元戎為郭震

後衛坊曰萬代瞻仰曰百世宗依廟學左右曰華夷一統曰

雄勝九邊曰屏藩四鎮曰德威萬里曰鎮靖曰振武

曰平胡曰揚威曰東拱神京曰南通關陝

中衛坊曰養賢曰毓秀廟學東西曰忠烈為參將

興武營坊曰靖虜西門外曰迎恩南門外

廣武營坊曰永寧曰威鎮曰靖虜曰武畧曰保安舊有曰

迎恩曰河山毓秀新建

風俗

疆梗尚氣重然諾敢戰鬪

金史夏國贊

雜五方尚詩書詞翰

舊志重耕牧閑禮義

新志

靈州尚耕牧工騎射信機鬼

舊志

富強日倍禮義日新

新志

後衛務耕牧習射獵

舊志

中衛人性勇幹以耕獵為事孳畜為生

舊志

按夏俗淳厚馴雅自

國初盡徙其民於關中實以

齊晉燕趙周楚之民而吳越居多故彬彬然有江左

之風服舍從風好尚與中土不甚異惟公署及王

家文武世族履瓦連甍民間俱以土蓋房積薪其上

堂中供諸神像錯列祖先

殆宋史所謂篤信機鬼之

遺俗也其四時節儀如元

旦燃燭炷香懸天燈祀真

宰拜祖禰既出賀媼友偁乃已迎春競觀茹春餅薦

白葡萄上元張燈放花十六日家室隨方近行取禳吉

之義春分日釀酒名曰七春分酒河水既泮漁者率以

網以釣競取而市焉清明之前公族大姓樹鞦韆放

風鳶為樂卜吉載餽挈陌出郊展墓厥日插柳戶上

并戴之首季春廿八日製香東嶽廟孟夏八日諸寺

僧尼為洗袂會午日貼符挿艾繫綵索啖角黍咸相

餽遺醫人捉墓採藥十有三日於關王廟望日城隍
廟趾錯叅拜諸貨駢佳小貿易季夏六日儲水造麩水
經月不腐孟秋七日閨人亦有以針工茗果作乞巧
會者中秋作月餅陳瓜果祀太陰仍占月光以驗來
歲上元晴雨季秋九日以蒸花糕具菊釀相餽孟冬朔
咸祭於家是月採蔬一員鹽以備冬仲冬長至祠祭如
前第不拜賀嗣是統絢牽黃臂蒼畋獵畢舉馬季冬
初旬釀臘酒八日以米豆雜肉加辣為粥名臘八粥
廿三日夕祀竈歲除饅謝真宰薦祖禰貼春聯易門

神桃符夕具酒餽以次稱壽守歲婚禮頗近古六儀
亦備士皆親迎鄉士大家悉遵朱文公家禮用佛事
者世祿之家并商賈爾冠禮不多見馬尚論夏有蘭
峙河流民物阜殷塞北江南號稱久矣緣夏遷自南
服寰宇記云江左之人崇禮好學習俗相化故有是
稱正嘉之後其俗尚奢迨萬曆壬辰亂定人幸更生
服食以靡麗相誇財用以浮費漸耗事淫末者亡論
即務本者佩刀而釋耒耜應募以為美途謂坐食饌
餼也邇來甲士稽夫崇無為教自鎮中外遠邇同風

且名器寔若濫觴卑幼以競尊長嗚呼俗以習遷習以時易轉移之機將安在仕哉是在上者輓之當亟而表正之者士夫與有責在而賦見詞翰

山川形勝附

寧夏賀蘭山在城西六十里峯巒蒼翠崖壁險削延

百餘并元昊故宮遺址自來為居人畋獵樵牧之場

弘治八年醜虜為患遂奏禁之有唐常蟾元貢泰父

慶靖王大學士金幼娑羅模山城西南一百里近賀蘭

攷詩歌見詞翰山靈武口水自地湧出

舊有龍王祠禱旱多峽口山古名青銅峽在城西南

應有王遜記見詞翰一百四十里兩山相夾

黃河經其間上列古塔百有八見詞翰宋張省嵬山

舜氏國朝僉事齊之鴛詩見詞翰

百四里居中山鎮東南二黃草山城北二百二十

踰黃河西瓜山城北二百石嘴山城東北二百麥架山東

北三百里黑山城東北二百賀蘭尾黃河發源星

俱以形名也形如虎踞飲河抗隘黃河宿海伏

流千里至積石一而再出遠不具論自蘭會北流兩崖

皆崇崖峭壁河狹而水勢湍駛商市莊寧山木而下

者日行可二百里以其流急也鎮之宮室解署棹楔

類多資用經中衛入破口灑為漢唐諸渠灌田數萬

頃經鎮東北過新秦中出龍門絲延綏南注至華陰

而東入河南境因有河套之地宋熙寧中邢恕奏

乞下熙河路造船五百艘于黃河順流直取興州

明興嘉靖十五年軍門遣隊長任勇率卒乘船自夏鎮

鼓擢直抵偏關事聞勇受陞賚萬曆壬辰兵變臨鞏

道副使劉光國以船袋載運滅虜湧珠砲位藥線之

類至靈州征兵資用畔逆受攻二十七年總督李汶

巡撫楊時寧簡材官金成率甲士三十六人由夏境

朔方新志卷一

駕船遶出河套斬虜一十一級伸捷伐威夫黃河迤

內漢唐概沐華風我國家取河南地而版圖之可

謂盛矣自東勝不戒河雨失守腥羶遂據為巢煖復

甚難亦靡有問津者上公石畫力士勇前孤軍環出

於龍沙鳴劍捷收於虎穴睹漢唐無外之雉堞睥覆

載不盡之山川大壯國威功亦奇矣聖朝授成

以官尋陟為黑水河喇兀速西流注黃河清水河

將亦殊典云黑水河喇兀速西流注黃河快活林

州南距鎮二百五十里古所謂葫蘆河者快活林

是也河流甚狹自平涼界來西注于黃河

十里豐水高臺寺湖城東十三塔湖城東北巽湖

草宜孳牧高臺寺湖城東十三塔湖城東北巽湖

南三十觀音湖城西北九十三里月湖城北三十五

五里長湖城南十五里泛舟出蒲灣渟泓浩晶沙湖

里暖泉鎮西北背名山而面洪流左河津而右重塞

赫連夏左距豐勝右帶蘭會舊志黃河遶其東賀蘭登

京都頌其西西北以山為固東南以河為險俱一統志黃河襟帶

東南賀蘭躡峙西北靖王序八背山面河四塞險固大學

士彭時西據賀蘭之雄東據黃河之險吏部尚書桂

論按本論謂陝西三邊惟寧夏西據賀蘭之雄東據

黃河之險其為備也甚易此但論其形勝爾近年以

來虜浮洪濤而西渡視河猶坦途逐水草而轉徙依

賀蘭為勅穴東西戒嚴無時少緩為備實難於諸邊

必如時所謂背山面河四塞險固中國有之足以禦

外夷外夷竊之足以抗中國其確論哉茲曰為備甚

易是忽之矣忽之則患將至矣患至而思弭之

又孰其力耶故曰守在德不在險有詩見詞論

按山河之固國之所寶蓋自古記之寧夏河瀆東流

按山河之固國之所寶蓋自古記之寧夏河瀆東流

按山河之固國之所寶蓋自古記之寧夏河瀆東流

按山河之固國之所寶蓋自古記之寧夏河瀆東流

按山河之固國之所寶蓋自古記之寧夏河瀆東流

按山河之固國之所寶蓋自古記之寧夏河瀆東流

按山河之固國之所寶蓋自古記之寧夏河瀆東流

按山河之固國之所寶蓋自古記之寧夏河瀆東流

按山河之固國之所寶蓋自古記之寧夏河瀆東流

賀蘭西峙屹然一雄鎮也自邊備弛於款貢蘊崇逮於壬辰創傷之餘財詘而武節不競天造地設之險美固無復曩時先後柄事之臣所為桑土綢繆之計亦既忘且周矣然欲形勝鞏於磐石猶有望於深計者焉

靈州

金積山

在州西南一百餘里磁窰山州東北六十里有牛首寺

冶之

炭山

州南五十里

平山

州東北八十里以形名

馬鞍山

州東北五十里

以形

天麻川

州南五十里

字羅臺

州南五十里

蒲草湖

州南一草

似名

場湖

州南三十里

涼泉

金積山東水自地湧

滴水

滾泉南比崖上

一石板突出瞰水自石板亂滴如雨禱雨多應

西陲巨屏

宋劉崇儀民淳土沃云云宜固

守以為捍蔽

北控河朔南引慶涼

舊志

常州

打刺坡山

在城南四十里

小蠡山

在大蠡山之南其脉相聯

大蠡山

在常州城西二十餘里層巒疊嶂蒼翠如染以其峰如蠡故名始於慶府長史劉昉舊不知為何名四

傍皆平地屹然獨立上多奇木異卉良藥山北有顯聖祠雨暘禱之輒應永樂間載之祀典僉事孟霽詩

見詞三山在城東百里三椽子山在三山南溪澗狼

山在城東五里琥八山在城南八十餘里湖黑鷹山鹿山

二山皆近東湖在城東一里鴛鴦湖在東湖北三里安富

泉在大蠡山之南煖泉在鹽池西南三十里萬曆四年今引以灌田

盧文善拓大其基建亭鑿池泉環遶其間樹木陰鬱
為制府行邊暫憇之署亦勝槩也諸憲臬詩見詞翰

後衛 靈夏肘腋環慶襟喉督撫楊一清王瓊劉天和

臬崔允孟霖 詩見詞翰

興武 靈夏重地平慶要藩新志督撫楊一清馮春

中衛 石空寺山衛東七米鉢山衛南七里因山雪

山冷山衛大河之南近大沙子山舊應理州西南俗

近莊浪涼沙山衛西五十里因啓刺八山衛西比觀

音山二衛北五十里山有觀音洞故名○其天都常精

南牟內殿館庫于此為宋李憲所焚疑即今之米鉢

常精山近會州元吳駐兵於此洛陽川在衛西二龍

以備環慶疑即今之哈密峽也

潭泉在衛西二十里四時瀦蓄冬蒲塘在衛北四十

草邊陲要路新志左聯寧夏右通莊浪東阻大河西據

沙山元史本州志詩見詞翰

廣武 西河要衝新志總制王瓊詩見詞翰

食貨

戶口

原額 戶二萬九千三百三十七

口五萬六千四百四

今額

戶二萬九千二百五十四

口五萬六千二百九十一

寧夏衛

戶五千九十

口八千二十一

左衛

戶五千一百一十

口八千九百五十六

右衛

戶三千九百

口七千二百有三

前衛

戶三千五百八十

口五千三百八十四

中屯衛

戶三千五百四十七

口五千八百五十三

後衛

戶一千三百四十二

口二千四十一

中衛

戶一千九百有三

口四千六十九

靈州所

戶一千七十四

口二千三百有六

常州群牧所

戶二百七十九

口四百五十七

興武

戶四百五十二

口一千二十四

廣武

戶一千四百有一

口八千有五

平虜所

戶一千九十

口二千二百八十七

鳴沙州

戶三百有五

口七百八十五

屯田

國初原額田一萬八千八百三十二頃五畝五分九釐

舊志曰今寧夏軍田以五十畝為一分一軍承之餘

丁則田無定數彼此許其過割國初每百戶軍三

屯七蓋以二人之耕供一軍之用田有鱗次皆約束

於總旗故田之肥瘠廣狹丁之多寡老弱無不周知

此事易集而差易辦也後以屯役浩繁人皆賣緣應

軍而棄田屯之弊肇矣總旗又以陞陟為謀棄屯入

操屯之弊漸矣今則原額屯軍十止三四項補餘丁

十乃六七丁壯而力富者又為旗甲所隱以致差撥

不均連亡相望戶口半減于昔屯之弊
極矣成法一變卒之病不可藥悲夫

寧夏衛原額田二千七百六十八頃一十六畝八分二釐一毫

左屯衛額田三千八十三頃九十五畝二分一釐四毫

右屯衛額田一千五百七十四頃一十一畝九分一釐

五毫八絲

前衛額田一千四百三十四頃三十八畝七分四釐二毫二絲

中屯衛額田一千九百四十六頃四十八畝五分五釐

按屯田中衛靈州所另議惟鎮城五衛往時賦有定額歲無逸徵先年因河崩沙壓高瓦宿水荒蕪無影數多額課尚在望空賠納以致下民流移日甚節經題豁未蒙恩允隆慶六年內僉事汪文輝將前項田糧備申督撫轉達清豁萬曆元年巡撫都御史朱笈題為邊鎮屯糧積逋負累軍餘賠納百分困苦懇乞天恩亟賜開豁以固護人心以保安地方事准戶部咨該本部題陝西清吏司案呈奉本部送戶部抄出巡撫寧夏等處地方贊理軍務都察院右僉都御史朱笈題臣按論語有子曰百姓足君孰與不足義而不欲魯哀公厚斂于民也蓋民為邦本財為民心故藏富于民即藏富于國斂財于下者實斂怨于上也昔漢文帝免田租而培兩漢四百之基宋仁宗罷權酷而貽宗社靈長之賴是以垂芳史冊人仰休風臣伏讀皇上登極詔書一陝西沿邊及兩廣等處軍民田地先年被賊蹂踐拋荒者及各處荒閑官民田地各該巡按御史按察司官勘實具奏該徵夏

秋稅糧戶部悉與蠲免又一各處水坍沙壓等項民屯田地稅糧負累軍民賠納曾經撫按官查勘明白具奏者該部即與除豁欽此臣有以仰窺皇上歡忻鼓舞舞莫不翹首拭目願太平之治有德意或仍為推科培難逢為之臣者顧不能奉揚德意或仍為推科培剋之政而使田里小民有嘆息愁恨之聲此即孟子今之所謂良臣古之所謂民賊蓋不容於堯舜之世者也臣實耻之用是不避斧鉞謹以夏民負累屯糧疾苦瀝血上懇伏望皇上哀憫開豁以解塗炭之危不使漢宋二君專美於前寔天地神民之福也照得寧夏孤懸河外逼隣虜巢地土稍饒膏腴絕少而當時定稅遽擬一斗二升作法已不涼矣其後因缺馬缺料加增地畝草束賦日益重又其後河勢遷徙衝沒良田遂至河崩沙壓高亢宿水荒蕪無影等項而田不得耕矣繼又加以雜差則挑渠修壩採草納料捲掃起塢等項而勞者弗息矣比先當事臣工不忍前項田糧苦累節經具題竟未蒙豁免由是歲

無豐凶例取登足故糧有拖欠撒派包賠包賠不過勒逼逃竄不已則又摘丁頂補派及嬰孩年復一年以有限之丁受無窮之累馴至戶口流亡生靈凋耗十室九空不成景象亦可哀也臣先任寧夏項因軍餘見在二萬八千餘人每衛所開報逃亡輒為踏踏自臣去夫同丁憂起復仍蒞斯土距今僅四年所而迤移者不啻五千餘矣屢經前撫臣招徠復業畢竟傷弓之鳥驚棲不定但聞清派相繼逃移遂使市井蕭條村落荒廢有不忍言者誰貽伊戚哉夫國保於民民保於國故王者散利薄征所以惠養元元而為根本計也今罔念夏民貽累之殘傷而乃嬰情於催科之殿最追逋負之稅者逐見在之民撒拋荒之田者毆安堵之眾此以橫征暴斂之術為安邊足用之謨而豈聖世之所宜有哉臣不佞切有狗馬之懷條陳民瘼之計先已行寧夏兵糧道僉事劉之蒙查報勘過河崩沙壓高亢宿水拋荒無影等田共一千六十頃三十五畝九分三釐計徵糧一萬二千一十一石一斗八合四勺穀草一萬七千五百四十二束

六分二釐七毫一絲折糧草銀四兩三錢二分四釐
臣覆查問忽親邸報因該兵科給事中劉鉉題為摘
陳邊民困耗之狀態乞 聖明破格獨恤以固人心
以安重鎮事臣讀其疏議論剴切事體諳練敷叙陪
糧差役之苦曲盡人情而究極大義在於蠲賦寬民
而為固本寧邦之計此其因事納忠憂治世而危明
主意弘經濟有益邊圖荷蒙 皇上加納勅下該部
查勘臣竊喜夏人疾苦賴茲可瘳也而又私憂夏鎮
素有江南之名惟恐溺於舊聞者見此蠲免必曰夏
有水利稅不可免也軍餉歲用額不可縮也噫此妬
婦之言也萬一不蒙 大奮乾綱亟賜獨恤吾恐病
根弗拔而莫知所終矣此臣之所以大懼也輒復不
識忌諱肆為狂瞽之見而為 皇上陳之夫夏方何
為而敝也以糧差繁重之累也糧差何為而累也以
塞北江南之稱也臣嘗扼腕而憤誤寧夏之蒼生者
此言作備也諺曰耳聞不如目見臆度不如躬親誠
哉是言也彼擬寧夏於江南者果經歷其地而灼見

乎抑亦道聽塗說而臆度乎如其耳聞臆度則是上
林子虛之寓言而為夏土方輿之斷案益使夏人冒
魚米之虛名受征歛之實禍方未已也豈造福生民
之遠慮哉且江南財賦之地泉貨所通寧夏戎馬之
區較與陸海本相霄壤而顧有聲於寰宇之內豈非
人行沙磧草莽之間忽見渠壩流泉樹木交映不覺
賞鑒溢美殆猶迓深山而見似人而喜者詎可以為
真哉自有小江南之名不但塗人信之士大夫亦信
之故夏鎮鹽引曾議增淮減浙引不減 部亦謂地饒糧
賤藉口滋駁故淮引不添浙引不減 請給 內帑
亦不肯多發也嗟夫寧夏財已竭而歛不休民已窮
而賦愈急時事艱難勢甚狼狽彼籌邊者不為休息
生養之圖而猶猖為屯田之議豈非以黃河獨利於
夏而為此謀乎然不知夏人引水灌田修渠疊壩煞
費工本已囂然喪其樂生之心矧起科太重者尚可以修
已較諸他省之糧差更未有煩重于此者尚可以修
屯政乎甚矣塞北江南之言真誤寧夏之蒼生而憤
當時之作備也今夫人乍見孺子將入于井皆有怵

朔方新志卷一

二十一

惕惻隱之心夏民皇上之孺子也糧差陷阱呼吸
存亡皇上何不衰此惇獨大需雷雨以蘇待斃之
窮昨乎設若皇上不破常格復下計臣查勘則文
移往返膏澤不下於民坐使寧夏包賠如故則逃移
者絕望於歸來見在者生心於潛避寧不拆九重
惠鮮懷保之仁而傷國家還定安集之治哉此臣
所以日夜拊心而望皇上勉從除豁推廣仁恩
以臻堯舜安民之化誠大願也臣本一介草茅荷蒙
穆宗皇帝作養生成人之任撫夏思為邊氓告哀第
門萬里叫閭無路今奉查勘實夏人生死安危之繫
雖據該道勘實造冊前來誠恐敲朴縲絏之殘鬻子
傾家之狀皇上蓋不得而見也呻吟愁嘆之聲哭
訴號呼之慘皇上蓋不得而聞也臣又竊效宋鄭
俠流民圖而撮其差役情苦十有五種謹繪為圖貼
說於左裝潢成帙并勘實各項賠糧田地文冊一本
昧死進呈御覽伏望聖明觀臣之圖行臣之言
言乞勅該部通將包賠糧草原額悉與開除其高
亢等項量為減微流民復業官助開墾待後地關財

豐漸次補復舊額一以盡損上益下之愛一以昭聚
人導利之公庶脫之于湯火之中而登之衽席之上
則夏人之老老幼幼感荷皇恩而後世之子子孫
孫頌戴帝德其無事也必謹惟正之供效子未之
義其有事也必奮同袍之志據敵愾之忠臣所謂固
護人心而保安地方者此之謂也臣干冒天威無
任激切屏營懇祈之至等因奉聖旨該部知道欽
此欽遵抄出送司查先為摘陳邊民困耗之狀懇乞
聖明破格蠲恤以固人心以安重鎮事該部給事中
劉鉉題寧夏屯田正賦之外加派獨多欲將實在田
畝止辦正糧河崩沙壓并臺堡占用田地量派地畝
穀草其嘉靖四十年新增地糧通要文勘除豁本部
議行該鎮撫按吊查原冊委官文勘應該作何議處
已經題奉欽依通行欽遵訖及查寧夏巡撫都御
史朱笈用開寧夏等衛所實在田一萬八千二百一
十一頃六十八畝五分五毫四絲該徵糧一十五萬
九千六百六十六石二斗五升九勺二抄七撮穀草
一十萬七千八百六十八東九分三釐五毫六絲八

忽地畝銀一千二百五十三兩五錢九分四釐一毫
九絲八忽各湖灘採打年例秋青草一百五十八萬
七百二十六束又開原報并今歲勘出河崩沙壓
蓄水硝礮築堡挖過低窪及邊外無影等田共二百
九十一頃七十一畝五分二釐高亢田二頃八十九
畝荒蕪田七百六十五頃七十四畝四分一釐等因
在卷今該前因案呈到部看得都御史朱笈題稱寧
夏屯田糧差繁重加以河崩沙壓荒蕪等項撒派包
賠軍餘困苦乞要破格將包賠糧草悉與開除高亢
等項量為減徵各一節為照因田制賦其科有等地
去糧存其民何堪寧夏導引河水以資灌溉頗稱沃
壤此以前通論也近年河流頻塞地多崩陷除可耕
之田外高亢硝礮荒蕪汗萊者漸多一槩橫徵致有
流移流移多則軍伍日耗連負積則還定自難邊防
安危之計關係匪細况節經督撫諸臣建議屢奉
明旨勘處今本官又經勘明具奏前來載觀造冊踏
勘之數似真復閱畫圖困苦之狀可憫相應題請
恭候命下移咨寧夏巡撫都御史及咨都察院轉

行巡按御史通行司道除實在可耕田土糧草等項
照舊徵納外其河崩沙壓蓄水硝礮築堡挖低荒蕪
差寫無影及高亢等田共該糧一萬二千一十一石
一斗八合四勺穀草一萬七千五百四十五束六分
二釐七毫八絲地畝銀一萬九千四百四十五兩
毫一絲除高亢田二頃八十九畝雖係硯薄猶堪耕
種難以一槩除免相應量減每畝仍徵糧三升共該
八石六斗七升穀草地畝銀准免其餘河崩沙壓等
項糧草盡行開除內巡棄荒蕪田地七百六十五頃
七十四畝零今雖盡免地土可耕仍要設法招徠如
有復業并願開墾者該管官員給處牛種加意優恤
務候成熟許照減徵事例起科不得聽其荒蕪此外
別有撫輯良策俾得以安家樂業者悉聽督撫官徑
自料理再照寧夏先經御史蕭廩條奏該鎮民屯錢
糧混互不明數十年積弊已行巡撫司道等官查勘
去後至今未報停閣滋玩且訪該鎮豪強官軍侵隱
屯地飛詭原糧不可勝數若肯任怨清查得出并新
有復業開荒人戶漸漸量徵則所收足以補其所免

不失舊額是謂調停之法蓋惠以恤窮威以戢奸所以相濟也斯為稱職仍每年終將徵免過屯糧本折數目造冊奏繳青冊送部查考伏乞聖裁等因萬曆元年八月初一日本部尚書王等具題本月初三日奉聖旨是田父嘆見詞翰

中衛原額田二千一百三十頃二十八畝一分三釐二毫

平虜所額田五百八十三頃二十六畝二分二釐

靈州所額田九百五十一頃七十三畝三分八釐

後衛額田四千三百五十九頃六十一畝六分一釐五毫

毫

萬曆七年己卯後河沙嚙沒壬辰兵變人田兩無稅糧

銀草歲有停徵其田尚懸未奉題豁田一千九百

八十四頃五十八畝一分七釐五毫

見徵田一萬六千八百四十七頃四十二畝四分一釐

五毫

寧夏衛見田二千六百六頃四十七畝六分三釐六毫

左屯衛見田二千九百八頃六十一畝三分一釐四毫

右屯衛見田一千四百八十六頃一十四畝七分一釐

五毫八絲

前衛見田一千二百一十一頃九十九畝九分四釐二毫二絲

中屯衛見田一千八百八十八頃九十畝九分五釐

中衛見田二千九十七頃二十八畝四分三釐二毫

平虜所見田四百九頃七十五畝三分八釐

靈州所見田八百一十頃一畝四分三釐

後衛見田一千四百六十五頃七畝

賦役

寧夏七衛二所

原額夏秋徵糧一十四萬八千五百三十九石九斗二

升二勺

穀草一十九萬二千六百五十二

束因馬草不給五畝增納一束

地畝銀一千二百九十五兩五錢

一分八釐因馬草價不給每畝

增銀一釐

折糧草銀一千八百七兩六錢

分按侍即羅汝敬定夏稅每畝徵麥四

升莞豆六升秋稅每畝徵粟六升

二升夏忠靖公謂邊

地恐難經久駁其疏汝敬復表

寧夏每畝起科一斗

國數萬里為害於汴梁獨利於

地力漸微而又兼以

宿水停滯土脉積寒民力困

徵輸連轉內地屯田

半荒嘉靖十一年巡撫都御

王華揚志學奏准

二升莞豆二升皆以青茶豆
以為德昔吳越賦歛無藝兩
衢江漢臣為鎮海軍節度判
有司以為一仍其舊是厲於
河坐是擯棄終身後命王方
民始聊生使非漢臣沉籍之
非私於夏人實社稷計也視
聚歛而不恤憤事者相去何
如喜

萬曆七年迄今節次奉文停徵夏秋糧一萬一千二十

九石二斗一升七合八勺三抄

穀草一萬二千二十八束四分二毫三絲四忽

地畝銀八十四兩一錢八釐二毫九絲三忽

折糧草銀一百九十三兩八錢四分五釐七毫八絲四分

忽

見額夏秋徵糧一十三萬七千五百一十石七斗二合

三勺七抄

穀草一十八萬六百二十六束五分九釐七毫六絲六

忽

地畝銀一千二百一十一兩四錢九釐七毫七忽

折糧草銀一千六百一十三兩七錢六分四釐二毫一

絲六忽

寧夏衛見徵夏秋糧二萬七千二百八十八石二斗四

升九合四勺七抄

穀草三萬八千一百四十束一分四釐八絲六忽

地畝銀二百二十八兩六錢二八五釐七忽

折糧草銀二百四十一兩三錢八分七釐一毫八絲四

忽

歲春三月發羨卒修浚漢唐等渠秋八月採秋青草四

十五萬一千三百束

表田一十頃糧八十石供總府之用餘表

公用田五頃二十八畝歲用羨六十六十一佈種徵糧四

百二十二石貯藥局以供官軍藥餌各衙紙筆燭炬餘衛同

樣田四頃八十五畝五分糧二十八石八斗二升折銀貯寧

夏庫供祭文廟之用餘衛同

左屯衛見徵夏秋糧三萬一千三百四十四石六斗三

升八合七勺

穀草四萬五千九百六十六束九分六釐四毫

地畝銀二百七十二兩五錢六分六釐九毫三絲

折糧草銀二百三十一兩五錢一分二釐五絲八忽

歲春三月發羨卒修浚漢唐等渠秋八月採秋青草三

十四萬三千四百七十二束

表田一頃五十畝糧一百二十石

公用田五頃五十畝糧四百四十石

樣田四頃八十五畝糧二十八石八斗

右屯衛見徵夏秋糧一萬五千一百七十二石六斗一

升九合

穀草一千二百五束一分九釐四毫

地畝銀一百三十三兩一錢六釐一毫七絲

折糧草銀一百一十五兩三錢八分三釐三毫九絲二

忽

歲春三月發羨卒修浚漢唐堦渠秋八月採秋青草三

十五萬一千八百五十束

表田一頃糧八石

公用田四頃糧三百二石

樣田四頃八十五畝糧二十八石八斗

前衛見徵夏秋糧一萬四千九石二斗六合一勺

穀草一萬九千二百四十八束

地畝銀一百二十三兩二分五釐八毫四絲

折糧草銀一百五十六兩六錢二分一釐二毫二絲四忽

歲春三月發羨卒修浚漢唐等渠秋八月採秋青草八千六百五十束

表田一頃二十畝糧八十石

公用田四頃糧三百石

樣田四頃八十畝糧二十八石八斗

中屯衛見徵夏秋糧一萬七千五百四十四石二斗六升四合四勺

穀草一萬七百三十三束一釐七毫

地畝銀一百七十一兩三錢七分二釐三毫八絲

折糧草銀四百一兩六錢九分八釐六毫六絲八忽

歲春三月發羨卒修浚漢唐等渠秋八月採秋青草撒

寧左等衛湖灘

中衛見徵夏秋糧二萬六百四十一石六斗一升七合

五勺

穀草二萬二千四百六束七分四釐二毫

地畝銀二百三兩一錢六分八釐九毫

折糧草銀三百四十五兩一錢二分八釐一毫

歲三月發羨卒修浚羨利等渠秋八月採秋青草三十
四萬八千三百七十束

鳴沙州歲三月發羨卒挑浚七星等渠秋八月採秋青
草八萬束開豁亢旱滄淤見徵草一萬六千一百三
十九束

廣武營歲三月發羨卒挑浚石灰等渠秋八月採湖灘
草一十八萬八千三百束正德年間開豁河崩灘草
七萬七千九百六十五束實該草一十一萬三百三

十五束公用草五千一百束

平虜所見徵夏秋糧四千七百七十一石六斗七升四
合六勺

穀草六千六百五十二束九分八釐八毫八絲

地畝銀四十五兩四錢一釐九毫八絲

折糧草銀五十八兩四錢一分三釐七毫八絲

後衛見徵夏秋糧一千四百六十五石三斗五升七合
五抄

靈州見徵夏秋糧七千一百九十四石八斗二升三合

八勺五抄

穀草九千七百四十束七分七釐五毫

地畝銀五十三兩四錢三分五釐九毫五絲

折糧草銀一百九兩八錢一分二毫

歲三月發羨卒挑浚漢伯秦壩等渠八月採秋青草二

十萬五百二十八束瓦渠等里民田秋八月採秋青

草四萬五千束

水利

寧夏

漢延渠唐來渠

自硤口東鑿河引流數里許有閘以洩蓄水漢延流遶鎮東透

迤而北延長二百五十里支流陡口三百六十有九

唐來流遶鎮西透迤而北延長四百里支流陡口大

小八百有八餘波皆入于河四月開水澆灌自下而

上官為封禁少不如法則田涸民困公私無倚此寧

夏恃以為重唐漢二壩黃河由崑崙積石入硤口遶

者惟二渠也寧夏東直流而北河口東曰漢西曰

顧新木力役歲費不貲自隆慶六年僉事汪公文輝

洞識造微始奏驅石以易製式授工功巧備至甫成

漢壩二閘即擢尚寶卿以去萬曆元年巡撫羅公鳳

董郭之羨矣

記見詞翰

寧夏河渠凡十一惟漢唐二渠最著餘特其支流耳

不詳其自始按河渠書自宣房後用事者爭言水利

朔方西河河西皆引河以既田匈奴傳云驃騎封狼

居胥山漢度河自朔方以西至今居住往往通渠置田

官吏卒是漢武時夏已有渠矣特未詳其人及觀西
 渠為屯田始知浚漢渠者虞詡郭璜也唐渠意亦漢
 故渠而復浚於唐者寧夏於唐為懷遠縣隸靈州故
 凡唐言靈州即謂茲鎮唐書李聽為靈州大都督長
 史境內有故光祿渠廢久聽復開決以溉田是李聽
 所開亦漢故渠也漢光祿渠徐自為於五原築光祿
 塞五原今榆林鎮近夏則夏之光祿渠意亦自為所
 浚吐魯蕃傳載虜酋馬重英寇靈州塞漢御史尚書
 光祿三渠皆謂漢渠惟地里志云靈州有特進渠長
 慶四年詔開此似開於唐者而無其人又後衛刁雍
 為薄骨律鎮將表請自富平西三十里有艾山鑿以
 通河似禹舊迹按富平寧夏城也西三十里今廢渠
 疑即艾渠唐吐蕃寇靈州郭子儀敗之七級渠宋劉
 昌祚圍夏城夏人決黃河七級渠以灌營元和志言
 千金陂在靈武縣北四十二里漢渠在縣南五十里
 從漢渠北流四十餘里始為千金陂其左右又有胡
 渠御史百家等八渠此亦唐時所有者及宋楊瓊史

稱其開渠既田今皆不知其處大都代遠湮浚不常
 名氏莫悉惟虞郭濬於東漢李揚濬於唐宋則史有
 可攷所當崇報

貼渠 與唐壩同口異開新渠 在城南遶紅花渠 抱城

而流 良田渠 在城西滿達刺渠 在城西轉流東

南小渠 引紅花渠水飛西北南小渠二 引唐來渠水

城永樂甲申總兵官何福以城中地饑 漢唐正閘二

水至二壩為閘所束勢洶湧故以巨木障其旁與庶
 中流列柱分為三閘駕橋構宇於上亦奇觀也此董

郭作者之妙今易旁閘七 平頭 廟後 安定 漢

以石萬世永利矣 寧安 平頭 石頭 唐來口之揚水

水者 瀉 關邊 寧安 平頭 石頭 瀉水者 揚水

閘八 龍泉 果子 李真 唐保 王全 納忠

漢延哈三段 唐來減水閘一張 政張政 在漢延橋四十有八

官橋 板橋 通濟 魏信 張政 五道渠

王保 揚順 金貴 潘昶 王澄 以上跨 玉泉

寧化 社稷 賀蘭 保來 新立 站馬 天生

滿達刺 閆貴 張淮 以上跨 吳華 郭陽 鄭

家 閔家 楊芳 黃泥崗 朱家 新墩 以上跨

茆家 上紅花 下紅花 盛實園 王原 王水

匠 駱家 侯儀賓 杜家 李福榮 陳油房

跨大永通 巡撫崔讓永通橋記畧曰橋距城南里許

新渠加以流潦激湮與路傍明水湖混為巨匯舊以上木

架梁不任浸漫易於傾圮且歲費修舉成化乙巳余

撫寧夏乃易以石南構坊三楹上榜以金字曰迎恩

中題以墨字曰永通橋坊南與土塾路以障湖水楊

柳夾堤周道如砥湖水浩 然規模朗豁氣象雄偉矣 葦莊 紅廟 葉卜花

倒灣 校尉 駱駝 以上跨 渠口十有六 三水

水磨 果子 大營後 小營後 南毛 北毛

五道 漢延兩岸 良田 大新渠 果子 揚召 滿

達刺 阿里八字 豐登 亦的小新 唐來兩岸 王

現泮 逼近黃河乃迎水者最為緊要嘉靖四十四年

被水衝崩渠涸人憂巡撫王崇古檄所司督夫

計日程能工堅將淮拜通近漢延渠河水洶湧漸次

永利記見詞翰曆四十一年巡撫崔景榮檄屯田張貴拜渠東岸者

都司陳愚直捲疊完固水患得弭張貴拜渠東岸者

陳敬壅水拜支屬唐渠在槽八漢四唐四瀉水暗洞

舊在王澄堡段木造節年宿水壅積撤瀉不便巡撫

崔景榮檄同知王三錫相其地利於張政堡段督夫

採石創新洞瀉城南諸堡宿水第津渡三高岸

李祥橫城漢渠迤東渠石靖虜者乃元吳廢渠也

即古之艾渠弘治中巡撫王珣奏開之更名之意蓋

欲絕虜道興水利但石堅不可鑿沙深不可濬財殫

力竭竟不能成仍為廢渠

靈州漢伯渠引河流長九十五里洪武初秦家渠古

也引河流長七十五里灌田四百九百閘二大明漢

餘頃而里仁李羅大中皆其支渠閘二廢渠一金積

伯秦漢渠口水利不通巡撫崔景榮檄

渠在金積山岩弘治末巡撫王珣奏濬長百二十里

丈錘鑿不能入火橋二通濟定朔渡三寧

醋不能裂竟廢之

河馬頭高崖張公堤河東道張九德築長泮

中衛美利渠舊名蜘蛛長五十八里石空渠長七

里溉田百七十餘頃弘治初叅將韓玉又加修

濬而胡馬不能度矣口狹腹闊俗呼缸子渠

長四十二里溉棗園渠長三十五里中渠長三十

田百七十頃上五渠在河西

長四十三里溉田二百餘頃與鳴沙州共貼渠長四十八里溉田

一十餘頃與鳴沙州共貼渠長四十八里溉田

店渠長四十五里溉田夾河渠長二十七里溉柳青

渠長三十五里溉田勝水渠長八十五里溉田百五

東橋三大通城鎮遠西城綠楊南渡二常樂在城南

里永康在城南二十里

唐食貨志載鹽靈二州有烏白瓦三池并細項溫泉兩

井長尾五泉紅桃弘靜諸池不一而烏白池最著元

昊時請售青白鹽宋以其味佳值賤入中國則擾邊

且阻解池詘國用遂不許又地里志懷遠縣有鹽池

三今去城南北各三十里俱有池一其產不多官亦

不禁不知於古何名河東邊外有花馬紅柳鍋度三

池以境外棄今鹽池之在三山兒者曰大鹽池在故

鹽州城之西北者曰小鹽池其它名字羅等池最多

皆分隸大鹽池其鹽大都不勞人力因風自生殆天

產以資我邊需者也原額三千二百餘引弘治九年

延寧二鎮輪招馬匹尋乃奏革正德初總制楊一清

奏擬河東運司例每引收銀一錢五分增課五萬二

明方所志卷一 四十一

千引時戶部又奏改易芻糧其引與淮浙同在南京
戶部關支劉瑾專恣又令北京戶部亦造引板於是
真贗不分新故俱滯瑾既敗兩奉明詔裁革奸深
弊固猶不能禁總制劉天和巡撫楊守禮檄僉事孟
霖議照寧夏小鹽池乃天生自然之利窮邊軍餉之
需何先年人人願中以為奇貨可居今日報納無人
視之以為陷阱皆緣舊引未清新鹽阻滯邊方雖有
鹽池之設軍需畧無分文之裨嚴法清查其弊始革
巡撫張潤尋又奏復萌城批驗鹽法稍通然課猶未

甚今則增至淮引八萬五千浙引十萬九千五百夏
之邊需故取足於屯糧歲有定數不足則請給帑
銀嘉靖年間請發內帑不敷乃派淮浙鹽引以充
急用或淮多浙少或淮浙相均一視歲計盈縮量派
嘉隆之際始定以淮四浙六官價淮引五錢浙引三
錢五分照派定糧草輸足各赴淮浙運司守支淮引
微有奇贏浙引虧折太甚加以開召不時斗頭高估
諸商遂稱困矣萬曆初巡撫羅鳳翔寬減芻糧斗頭
商困少解迨後內璫寓於江南給引專掣內商賄買

夾帶一引十鹽此實既開邊商鹽引難售資斧虧折
困苦如水益深頃者見徹民隱寬減斗頭斯得周易
損上益下之道載論二十年兵變開城糧餉缺乏巡
撫周光鎬題增准鹽八萬引官價每引五錢長蘆鹽
二萬引官價每引二錢五分共筭銀四萬五千兩隨
同額鹽召商輸納糧草以備軍興庶幾定為經制不
意三十七年復將前項鹽引銀兩停發改濟別邊該
巡撫黃嘉善題討暫准三萬兩接濟又該巡撫崔景
榮題討僅歲復一萬而終無濟於那借緩急何賴焉

物產

疏見內巡撫楊應聘再題討復疏下部未覆疏見內
治錢糧

賀蘭山出鉛礬麥梁山出鐵鹽池出鹽九麻碧瑱馬牙

螻紅花藍靛鏤鐵器物皆有

穀之屬 稻 糜 稷 大麥 小麥 豌豆 黑豆

綠豆 黃豆 青豆 紅豆 扁豆 蠶豆 羊眼

豆 胡麻 秫 青稞

菜之屬 芥 芹 葱 胡蘿蔔 白蘿蔔 菠薐

韭 芫荽 蒿 巨 甘露子 蔓菁 白菜 沙葱

沙芥 西瓜 甜瓜 絲瓜 黃瓜 冬瓜 南

瓜 刀豆 豇豆 茶豆 地椒 滑菜 菜瓜

白花菜 茄 茄蓮 葫蘆 蒼蓮 蒜 莧 薺

瓠

花之屬 牡丹 芍藥 薔薇 石竹 雞冠 菊

萱草 玉簪 黃蜀葵 罌粟 小竹 戎葵 荷

寶象 百合 金盞 鳳仙 珍珠 山丹

果之屬 杏 桃 李 梨 菱 林擒 藕 芋

葡萄 櫻桃 秋子 胡桃 花紅 白沙 沙棗

桑椹 酸棗 茨菰 棗 柰 含桃

木之屬 松 栢 槐 樺 椿 榆 柳 暖木

檉 白楊 梧桐

藥之屬 荆芥 防風 菴蓉 桑白皮 地骨皮

枸杞 甘草 柴胡 黃芩 黃芪 麻黃 遠志

紫蘇 苦參 瞿麥 茴香 知母 升麻 大

戟 扁蓄 秦艽 黃精 百合 茵陳 苧薜

三稜 草血竭 牛旁子 兔絲子 薄荷 菖蒲

木瓜 天仙子 寒水石 菡蘆巴 青鹽 鎖

陽 車前子 青木香 千金子

六畜 馬 駝 牛 羊 騾 驢 豕

禽之屬 鵠 鷹 鷓 鷄 山雞 鷄 鶩 鴨

鴿 半翅 馬雞 雁 天鵝 鸕鶿 鳧 鷓鴣

鷓鴣 鴛鴦 鷓鴣 鴿 鸚鵡 白鴿子 臘

嘴 黃豆 倉庚 喜鵲 鳩 隼

獸之屬 虎 狼 鹿 麝 麀 艾葉豹 土豹

野馬 獐羊 青羊 黃羊 野豕 夜猴兒 獺

兔 獾 狐 沙狐 野狸 熊 豺 黑鼠

黃鼠

鱗之屬 鯉 鯽 沙魚 鮎 白魚 鱧 石魚

鰍 鱖

介之屬 鱉 蚌

土貢

唐夏州貢氈角弓拒霜齋靈州貢紅鹽甘草菘蓉代赭

白膠青蟲鵠鷓白羽麝野馬鹿茸野豬黃吉莫鞞鞞

氈庫利赤檉馬策印鹽黃牛臄

國朝歲貢紅花泊馬夫任土作貢王制也顧馬易貢而

紅花歲役千夫貢止五百斤織染又不藉此徒困民
耳嘉靖初給事中張紳奏止之人甚稱便

稅課

額設商稅銀凡商旅貿易段絹綾綉紗羅梭布花綿巾
帕履鞞南貨及諸銅鐵木竹器皿紙劄山貨羊豕等
畜照例查收課程銀凡易酒麩香油及屠宰諸色各
按季納銀六分衛官徵催二項歲收銀兩不等貨至
多寡原無定數經收銀兩按季稽查同外民齋夫力
役罰工樣田公用地租房田券稅等銀置邊儲簿交

廣裕庫湊給兩河文武衙門柴薪紙紅舉監盤纏廩
生麥饌坐班書吏工食并祭祀等項支用

